

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) خارج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآراده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولنماز .

الکتابخانه

ادرس تبدیلنه آریجه
۵ غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونغسی لازمدر

ممالک اجنبیه ایچون آبونه
اولانلرک آدرس لرینک
فرانسجه یازلسی رجا اولنور .

پاره کوندردلیکی زمان نهیه
دائر اولدیفی بیلدیرلسی
رجا اولنور

اتبعون اهدکم سیل الارشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

بیان حق، حقندن و حقیقتدن یوزدوندورن بر قومک اوغرایاجنی مصائبی واضحاً بیلدیرمهیه کافیدر .

امیدایدهرم، که بوسوزلرله مقصدمی دها ائی آکلاتمش اولاجم. دینک کتابی قرآن میندر و بونک شامل اولدینی حقیقتلر بزم ایچون کافیدر . مسلمانلرک بوتون اجتماعی، اخلاقی، اعتقادی، انسانی، معشری و مدنی وظیفه لری کتاب حقده بیلدیرلشددر .

حیاتده غایه اولان سعادت بو وظائفی ایفا ایله قازانیلابیلر. بو کونک ایشی، ایمان اسلامی شهره و تردد لر و دوشورن و بالخاصه بوشهره و وجود و یرمک ایچون اورتایه آتیلمش اولان نظریات کلامیه یی یکیدن احیا ایتمک اولمایاجقددر .

بالعکس حقائق دینییه دلائل قرآنیه سیله بیلدیرمک و دینی شکل اصلی و ابتدائیسنه ارجاع ایله سعادت اسلامی تأمین ایتمک بو حقیقتلره واقف اولان علماء دینه ترتیب ایدن بر وظیفه در . محترم استاد من اسماعیل حق بک اقدینک اخطار بویوردیق لری :

— ادع الی سبیل ربک بالحکمة والموعظة الحسنة وجادلهم بالتي هي احسن . سورة نحل — ۱۲۵ نجی آیت

بیان حقیقک بحث ایتدیکی حکمت و موعظة حسنه و حسن مجادله، ینه حقت کتاب کریمنده بیلدیردیکی دلائل واضحه و مواعظ مقنعهیه راجع اولابیلر و آیت حقت :

— ان ربك هو اعلم بمن ضل عن سبيله وهو اعلم بالمهتدين . سوزلریله نهایت بولماسنه و — ماعلى الرسول الا البلاغ — حکمینه نظراً، بوندن اوته سنی تقدیر ایتمک بو حقیقتلردن اعراض ایدنلره عانددر . و حصول هدایت و ضلال حقت تقدیر و اراده سنه تابعدر . — فذكر ان نعمت الذكري سيزكر من بخشي تخفيها الاشقي سورة اهل — ۹، ۱۰، ۱۱ نجی آیتلر بیاننه اتباع ایله اکتفا ایتمک کمز لازم کبیر . والسلام علی من اتبع الهدی .

بکربکی ۱۴ تموز ۳۳۹ شیخ محسن فانی الظاهری

استانبول مدرسه لری

اعاشه

— ۲ —

بوندن اولکی نسخه ده خبری اقدی مرحومک زمان نظارتنده لغو ایدلدیکنی قید ایتدیکم یکریمی عمارتک بودجده محرر مقدار مصارفی [۲،۵۵۲،۵۵۵] غروش، یعنی یکریمی بش بیک بشیوزیکریمی بش لیرا ایدی . [۱۹ ربیع الاخر سنه ۳۲۹ و ۶ نیسان سنه ۳۲۷

تاریخی قانون، ماده : ۱] . بوتاریخده : اوراق نقدیه هنوز موقع نداوله چیقارلمدینی ایچون بوباره بالطبع التون ایچو اولوب بو کونکی فرق ایله یوز الی، یوز التمش بیک لیرا دیمکدر .

عمارتلری لغو ایدن قانون؛ فقرایه مخصوص ایکی عمارتی ایفا ایدمک یکریمی بش بیک کسور لیرانک درت بیک لیراسنی بو ایکی عمارته تفریق ایله متباقی مبالغک ۳۲۸ سنه سندن اعتباراً طلبه علومه تخصیصنی قید ایلش، بوباره نک طلبهیه نقداً توزیعنک و یا اطعام واعاشه سنک — مقام مشیخت ایله نظارت اوقاف بیننده مشترکاً تنظیم اوله حق — بر قانون ایله تعیین ایدلمسنی ده شرط قلمشدی . [ماده : ۵]

خیری اقدی، بو ایکی شقدن ایکنجیسنی، طلبه نک اعاشه سنی الزام ایدیوردی . فقط مدارس تشکیلاتی اوکونکی حالی محافظه ایتدیکجه بوجھتک قابل تطبیق اولدیغنه قائل و اساساً پروگراملرده، اصول تدریسده، خلاصه بتون مدرسه حیاتنده مهم بر انقلاب یایمق لزومه قانع اولدینی ایچون اعاشه تشکیلاتی مدارس تشکیلاتنک اجراسنه تعلیقاً ینه مشیخته بالماذا کره طلبه نک طعام بدلاتی نقداً تأدیه و دائره مشیخته بر توزیع مخصصات هیئت تشکیل ایدمک بر طلبهیه شهری تمش، سکسان غروش تسویه ایلشدی که — ۱۰ ذی القعدة سنه ۳۳۲ و — ۱۸ ایلول سنه ۳۳۰ تاریخی نظامنامه نک تاریخ نشرینه قدر بو وضعیت دوام ایتمشدر .

مشیخت ایله نظارتی عهده سنه جمع ایدن و هر ایکی مقامک قوتندن اخذ فیض ایدرک موقع مرعیه قوبدینی اشبو نظام نامه ایله دارالخلافه العلیه مدرسه سی تشکیلاتی وجوده کتیرن مشارالیه؛ طلبه نک تخصیصات نقدیه سنی قطع ایله فایح، شهزاده، نور عثمانی و اسکدارده کشاد ایتدیکی درت عمارتده بتون طلبه یی جمع ایله اولدجه منتظم و کافی بر درجه ده اطعام واعاشه یه باشلادی . فقط بو انتظام مع التأسف جوق سورمه دی .

آثار و اجرا آتک چوغنی لسان تقدیر ایله یاد ایتدیکم خیری اقدینک عمارتلرک لغوی حقنده کی مقررات و تطبیقاتنه طرفدار دکم . معترض . مرحوم بو ایشده اصابت ایدمه مش، یاخود بو حرکتک آتیا فنا نتیجه لر و بزه بیلجک احتمالاتی دوشونه مشدر .

عمارتلرک لغوی ایچون اسباب موجب اوله رق کوستریلن لیک علوی مقصدلره وجوده کتیریلش اولان عمارتلر، علی التدریج بوزوله رق سوء استعمال منبئی اولمشدی . ارباب وظائفه، طلبه علومه، محتاجینه و یریلن فودله لر، یمکار غیر قابل اکل برحاله کلشدی . خدمه، اکل صالح اولمایان شیرلی آلمقدن ایسه بدلیرنی آلمنی ترجیح ایدیورلردی !! بو حال ایسه عمارتلرده منفعت شخصی لرنی تأمیننه چالیشانلرک ایشلرینه کلیوردی . چونکه خدمه نک اطعامی ایچون خزینه اوقافک عماراته صرف ایتدیکی پاره نک نصی، بلکه ده ثلث بدل اوله رق خدمه نک الله کچرک اوست طرفی منفعتپرستانک کیسه لرینه کیبیروردی . طلبه علومه و یریلن شیرلده عینی حالده ایدی . بناء علیه] کی

حاکم اولیٰ، بر طاقم مأمور و سائرہ قایم مقام مقصدینہ مستند ایدی،
نتہ کیم اولیہ اولدی، مشیختہ آریجه تشکیلات یابیلدی، مدیر لر،
مأمور لر، کاتب لر، دہابیلیم نلردن مرکب بر اعاشہ اداره سی یابیلدی، بونلرک
معاش و اجر تلی ده طلبہ نلرک اکمک پاره سندن، صوکرالر علمیہ
بودجه سندن چیقارلدی، جهت علمیہ، بالخاصہ درس و کالتی اعتراف ایتلی کہ
بو ایشی هیچ باشارامدی، اعاشہ نلرک باشنہ کلن متعدد خواجہ افندی لر
بوکی ایشلردن هیچ برشی اکلاما یورلردی، یاخود اولیہ لرندن انتخاب
ایدیل یوردی، ہیئت قلمیہ و حسابیہ ده بر ایکی مقتدر افندی اولامش
اولسہ ایدی برہفتہ بیلہ یورومک امکائی یوق ایدی، بالاخرہ اوقاف ده
تعہدینہ صادق قالمامغہ باشلادی، مشاہرہ و یرمکی قبول و درعہ ده
ایتدیکی مبالغی منتظماً و یرمہ مکہ باشلادی، و یرمہ سیہ جیلک باش کوستردی،
ارزاق بالطبع بہالی بہ مال اولمغہ یوز طوتدی، اعاشہ ده بر طرفدن
ادارہ سزلک، دیگر طرفدن پاره سزلک حکم سوردی، بو حال استانبولک
اناطولی ایلہ برلشدیکی کونہ قدر بو الیم طرزده دوام ایتدی.

بورادہ اک زیادہ نظر دقتہ آلہ حق ایکی مهم مادہ وارددر، بریسی
اعاشہ پاره سنک مقدار و معیاری، دیگرکی طعماخانہ لرک علمیہ یاخود
اوقاف طرفدن اداره سی، روح مسئلہ بو ایکی نقطہ در.

طلبہ یہ تخصیص اولٹان پاره عمارت لرک لغوند، یکریمی بش بیک
کسور لیرا ایدی، بالاخرہ ۳۳۵ اوقاف بودجه سنہ یالکیز طلبہ علوم اعاشہ
بدلی اولمق اوزرہ ۳۷۰۰۰ لیرا موضوع ایدی، [۱۸ شباط سنہ ۳۳۵ تاریخلی
مضبطہ] بو تاریخده طلبہ و مستخدمین یکونی مدرسہ لار شادده داخل
اولدینی حالده (۱۱۰۰) اولسنہ نظر آدم باشنہ یومی طقور غروش قرق بر
ساتیم ۱۱ اصابت ایدیوردی، طعماخانہ لر حقندہ تدقیقاتہ بولمق، طلبہ نلرک
حقیلہ تغذیہ سیچون ایجاب ایدن خصوصاتی تذکر و تثبیت ایتک ایچون
مشیخت و اوقاف آراسندہ بالخاصہ، درس و کیلنک ریاستی آئندہ،
اوقاف اوامر قلمی مدیری مرتضی، لوازم مدیری شمس الدین [الیوم
اوقاف مدیر عمومی] بکلرلہ سخن مدیر عمومی علی رضا، مفتش
رحب افندی لردن مرکب برانجمن تشکیل ایدلمش، بوانجمن نتیجہ تدقیقات
و مطالعاتی تنظیم ایتدیکی بر مضبطہ ایلہ مشیخت و اوقافہ بیلدی رلشدی،
بو مضبطہ ده [شمس الدین بک طرفدن بکلرک کیت و کیفیتی
حقندہ اعطا اولٹان ایضاحانہ، مؤسسات ایلہ سائرہ نلرک جلب و تدقیق
اولٹان لیستہ لرینہ نظراً طلبہ علومہ اعطا ایدیلن اطعمہ نلرک تغذیہ
غیر کافی اولدینی و بوکرہ ترتیب اولٹان و مفرداتی مضبطہ ده مندرج
بولٹان لیستہ موجبنجہ بکل و یریلیرسہ طلبہ نلرک لازم اولان غسائی
آلہ بیلہ جکندہ اتحاد ایدیلرک صحیہ مفتش عمومی دو قور منیف
باشادخی ترتیب واقعی موافق کوردیکی، بو صورتلہ طلبہ نلرک یومی
استحقاقی طقوز غروشدن اون سکیز غروشه ابلاغ ایدلدیکی و بوضائمہ

مطالعہ لر بک غریب و شایان دقتدر، اصحاب خیرات و حسناتک
کشاد ایتدکری وقارشیلق بر اقدق لری عمارت لرک قایمسی، خدمہ خیرانہ،
مستحقین سائرہ بش اون پاره اعطاسی، یاخود معاشلرینہ بش اون
غروش ضائم اجراسی شرط واقف ایلہ قابل تألیف دکلدر، آلمق،
یا باماق، و برمامکده شرط واقعی، نص شارع تلقی ایدن علاقہ دارلر؛
بودستوری؛ و یرمک و یا بامق خصوصلرندہ تطبیق ایتسہ لر طلبہ مسعود
باشار، خدمہ خیرات ده، فقرای مسلمین ده اوقافده کی نصیبی الہ ق
مظہر رفاه اولور، عمارت لرک لغوینہ اسباب موجبہ اولہ رف کوستریلن
شیلر لغوی دکل؛ اصلاحی مستلزمدر، بو؛ قطعاً بویلہ اولقلہ برابر
سوء استعمالدن طولانی لغو ایدیلن عمارت لره بدل طلبہ و فقرا
ایچون تأسیس اولسانلردہ یکی آچیلدق لری زمان بک آز بر مدت
کوریلن انتظامدن صکرہ حسن استعمال مشاہدہ ایدیلہ مدی، حق
بو حال خبری افندی زماننک صوک دملرنده دہا باش کوسترمک
باشلادی، اونک انفصالی متعاقب طعماخانہ لر بردن بڑہ دوشدیی،
بالخاصہ حرب عمومی نلرک صوکرلرینہ دوعری اوقدر بر باد لاشدی کہ بکلر؛
سوقاقلرہ دو کولہ رک زوالی طلبہ نلرک یالکیز بر قورو اکمک ایلہ کچندیکی
کونلر اولدی، اوقاف آنبارلرینک کوفلی بولغورلرینک، قوقش و آجی
زیتون یاغلرینک محل صرف و استہلاکی طعماخانہ لرلہ طلبہ مک معدسی
اولمشدی، زمان زمان کلوب کچن بچیملی، بچیمسز ناظرلر طلبہ یہ
ویردکری، استحقاق دکل، استعطاف عد ایدیوردی.

مشیخت ایلہ اوقاف نظارتنک شخص واحدہ جمع اولدینی زمانلردہ
بومناسب سزلک لر بر درجہ یہ قدر آزالیر کی ایسہ ده آری آری ذاتلر
اولدینی وقتلردہ ایکی مقام آراسندہ بر جوق اختلافانہ، بی سود بخاربانہ
میدان آچیلیر، اوزادجہ اوزار، اورتہ ده ینہ طلبہ ازیلیوردی؛
طعماخانہ نلرک قیریق بر جامنک طاقدیراسی، بکل صالونک پادانہ سی،
ویاخود بر قاج تنک آجی زیتون یاغلنک تبدیلی و یا بر چووال فاصولینک
دکشدیرلسی ایچون بیوک بیوک بخارہ دوسیلری وجودہ کلیدی،
بو ایکیلکہ بر نہایت و یرمک، بخاراندن، یکدیکرہ عطف قصور ایتمکدن
قررتولمق، طعماخانہ لر تنظیم، طلبہ حقوقی محافظہ ایتک ایچون،
«اوقافدن مخصص مبالغ؛ صرفیات حقیقیہ صورتندہ مشاہرہ و مقطوعاً
جهت علمیہ و یرمک و صرفیاتی علی الاصول ایضا و ہر سنہ غایہ سندہ
مشیخت ایلہ اوقافدن منتخب بر ہیئت حسابیہ معرفیلہ سنہ لک ذات
وزمان حساباتی تدقیق ایتک صورتیلہ اوقافنک طعماخانہ لرک اداره
و مسئولیتدن علاقہ سی قطع ایدلمک» تقرر ایتدی، [۱۸ شباط سنہ ۳۳۵
تاریخلی مضبطہ]

بو؛ اوقافنک ایشنہ کلیوردی، چونکہ دیدی قودیدن قورتولہ جقدی،
جهت علمیہ نلرک بونی قبولی؛ تأمین اداره و انتظامدن زیادہ اعاشہ یہ

بر شخصیت مخصوصه سی موجود در، بو وجه ممیزه ك خارجي هیچ بر تأثیر ایله استقامتی تبدیل اتمه سی لازمگیر.

یکی کورولن بر شینك تکرارینه اولان میلان، شبهه سز استیلائی بر مرض روحیدر. بواعبار ایله تقلید طبیعت بشریه ده مکنوز بولمقدده ایسه ده تظاهراتی مطلق دکل، بر چوق شرائط مادیه و معنویه ایله مقیددر.

ملترك « طرز معماری، ادبیاتی، اجتماعی... الخ » کبی شخصیتلرندن مهم بر صفحه بی احتوا ایدن علائقك عینی اولمق اوزره تقلیدده بر خصوصیت موجوددر.

بو خصوصیت موجود قالدجه، تظاهراتی اعتباریله ملی شکلی محافظه ایتدجه ضرری ممکن مرتبه محدود قالمش اولور. فقط محیط ملا و اجتماعی خارجنده انکشاف ایدن بر تقلیدك ماهیتی زهر قدر مؤثر وشایان اندیشه در.

افراد اجتماعی مزك حیات خصوصیه لرنده بیله حسلری، روح و آرزولری داخلنده - بشقه لرینك طرز حرکتندن متأثر اولمایه رق - تنظیم امور ایده بیلیمسی، استقلال وجدانی ایله نه یایدیغی و نیچون یایدیغی ادراک مقتدر بولمسی پك زیاده شایان نمیدر. غیر شعوری بر تبعیثله باشقه لرینك حرکاتی تعقیب ایده بیلیمك ایچون حیات حقنده هیچ بر فکره مالک اولماق، انسانیتك مزیتلندن معدود اولان اراده یه حاکم اولماق اقتضا ایدر.

حیات خصوصیه ده بیله منفور، و احبابی حقنده « بی شعور » وصفی داعی اولان بو حالت مرضیه نك منفعت عمومیه، حیات ملیه موضوع بحث اولدینی زمانلرده کی و خاتمی دوشونولسون. اراده سز بر کتله نك - نرینه کتیدیکنی بیلیمکسزین - کور کورینه مظلّم بر استقامته حرکتی البته هیئت اجتماعی بی فلاکت منهی بر طریق سوق ایدر.

بیلیمکسزین دوشدیکمز بو اوچور و مدن قورتلغه اوغراشه جغمز یرده الآن دهادرینلکمره دالمق ایستیورز. بوکا - کندمنی الداتمامق لازم کلیرسه - بلاهندن بشقه بر تعمیر بولنه ماز. شمیدی به قدر چوق دفعه لر مناقشه ایدیلن بو موضوعی مجرای طبیعیه سز ارجاع ایچون اول امرده بسیط بر سؤال ایله مسلمانلره خطاب ایدیورز: « بز کیمز؟ شخصیت مخصوصه من نه لردر؟ »

بوکا و بریله جك جواب « بز مسلمانز، کندمنزه مخصوص شرائطه، اوصاف ممیزه مالکمز. دن عبارت اوله جقدر.

او حالده هپ برلکده، فقط بر آزادگان وامعان ایله دوشونه لم. بز حقیقه سولیدیکمز کبی کله نك لغت واصطلاح معناسیه اوصاف مطلوبه بی حائز می بز؟ بوملتی عصر لرجه جهانك سرفرازی قیلان سطوت وشو کتمزی تأمین ایدن دینمزله درجه علاقه مزساده یوزمنی قزارتمغه

کور. مخصصات سنویه یکونی اطعام ایچون سنوی (۵۹۴۰۰)، مأمورین و مستخدمین معاشات واجوراتی ایچون (۴۸۰۰) که جماعاً (۶۴۲۰۰) لیرا اوله رق تثبیت اولدینی و فقط مجلس مبعوثان حال اجتماعده اولمایوب ۳۳۴ بودجه سنك تمیدی مقتضی اولسندن بودجه ده محرر مقدارك تریدینه امکان اولماقده یالکمز عین فصلدن (۳۰۰۰) لیرانك (۳۷۰۰۰) لیرایه ضمیمه (۴۰۰۰۰) لیرایه ابلاغی و اوقاف انبارندن یکرمی بیک لیرالق ارزاق اعطاسی و باشقه جه سنوی (۲۵۰۰) کیلو شکر و (۳۰۰۰۰) کیلو کومور و (۲۵۰۰) چکی اودون و بریله جکی ینه شمس الدین بك طرفندن بیلدیرلش اولدینی [تحت قراره آلمش ایسه ده بومقررات دخی ینه مع الاسف حقیله جای قبول بوله مامشدر. استانبول مدرسه لری اداره سز امور شرعیه و اوقاف و کالتنك، تدریسات مدیریت عمومیه سنك وضع ید ایتدیکی زمانه قدر طعناخانه لر حال بریشانیسی محافظه ایتدی. و کالتك؛ مدارسك ترقیاتی، طلبه نك تأمین اعاشه سیله حضور و رفاهی حقنده کی قطعی امرلری قارشیسینده طعناخانه لرده بر درجه یه قدر اثر صلاح کورلمک باشلامش، مدبر عمومی حمدی افدینك استانبول مدرسه لرینی حین تفتیشنده طعناخانه لره ات قوقوسی، طلبه نك معده سز ات لقمه سی کیرمه ک باشلامشدر. و کالتك اول و آخر و یردیکی امرلر بوراچه حقیله تطبیق اولنورسه طعناخانه لك بوکونکی احواله خاتمه چکیلهرك انتظام و مکملیت کسب ایده جکی شبهه سزدر.

طعناخانه لك اداره سی خصوصیه کلنجه، شکل حاضره قطعاً طرفدار دکاز. بونده بوراده ایضا حنده محذور کوریلن بر چوق محذور لر واردر. طعناخانه لك باره سی خزینة اوقافدن چیقور، دیوانه قارشی اوقاف محاسبه سی مسؤل، اعاشه مأمورین و مستخدمینك معاش و اجر تلرینی اوقاف اوده یور، طعناخانه لك متفرق و متنوع ایشلرینی اوقاف کوریور، محروقاتی، تنویراتی اوقاف و یریور، اوقافك دیگر عمارتلره مشغول و منتظم برده لوازم اداره سی وار، خصوصیه بوکونکی تشکیلات حکومت موجبجه شرعیه و اوقافك وکیل و ناظم اموری بر ذات. او حالده جهت علمیه یالکمز تدریسات ایله مشغول اولسون. بوکونکی اعاشه مأمورلری لوازم مدیریتك امرینه کچهرك طعناخانه لر اورادن اداره اولونسون. هر حالده منطق و مصلحت بونی آمردر. بو؛ جای شبهه و تردد دکدر.

مفتی زاده

اجتماعیانه غربی بیلیم و بوز غرنجیلی:

تقلید سیئه سی

سجایای ملیه مزك تردیات حاضره به صورت استحاله سنده برنجی درجه ده « تقلید » ك عامل اولدینی محققدر. ملترك کندیلرینه خاص